



Aningaasaqarnermut Naligiissitaanermullu Naalakkersuisoq

Ulloq: 27-02-2023

J.nr.: 01.31.06/23-01025

Aningaasaqarnermut Akileraartarnermullu Ataatsimiititaliap tallimangornermi ulloq 24. februar 2023-mi aalajangiineranik Naalakkersuisunut ilisimatitsineq.

Umiarsualivinni naaralaartitsiviit pitsanngorsarneqarnissaannut missingersuutinut sunniuteqanngitsumik nussuineq. Ataatsimiititaliap suliaa nr. 01.31.06/23-01025 **TUAVIORTOQ**

”Naalakkersuisut **inassutigaat**,

- *kontomi pingaarnermi 87.73.12 Umiarsualivinnut talittarfinnullu aningaasaleeqqinnerit, suliassamut nr. 24.122 Umiarsualivinnut pilersaarutit aningaasaliissutit 2023-mi 3,6 mio. koruuninik ikilisinneqassasut*
- *kontomi pingaarnermi 87.73.12 Umiarsualivinnut talittarfinnullu aningaasaleeqqinnerit, suliassamut nr. 24.131 Uummannami umiarsualiveqarneq aningaasaliissutit 2023-mi 2,0 mio. koruuninik ikilisinneqassasut, aamma*
- *kontomi pingaarnermi 87.73.12 Umiarsualivinnut talittarfinnullu aningaasaleeqqinnerit, suliassamut nr. 24.128 Sanaartugassat nutaat aningaasaliissutit 2023-mi 4,8 mio. koruuninik ikilisinneqassasut, aamma*
- *kontomi pingaarnermi 87.73.12 Umiarsualivinnut talittarfinnullu aningaasaleeqqinnerit, suliassamut nr. 24.141 Umiarsualivinni naaralaartitsiviit aningaasaliissutit 2023-mi 10,4 mio. koruuninik amerlisinneqassasut.”*

Aningaasaqarnermut Ataatsimiititaliap oqaaseqaatai

Matumani inassuteqaatit pillugit ataatsimiititaliap Naalakkersuisut qujaffigai. Suliap akuerineqarneranut atatillugu ima apeqquteqarnissani ataatsimiititaliap aalajangiuppa:

- Umiarsualivinni naaralaartitsivinnik pitsanngorsaaneq sulianik allanik assinganik ikililerinikkut pissasoq ataatsimiititaliamit maluginiarneqarpoq. Nuussineq suliniutinut allanut aallerfigineqartunut qanoq sunniuteqassanersoq paasissutissiissutigineqassasoq ataatsimiititaliamit kissaatigineqarpoq.

- Umiarsualivinnik aserfallatsaaliinissamik Naalakkersuisut pilersaarutaasa qanoq ingerlanerat paasissutissiissutigineqassasoq ataatsimiititaliamit kissaatigineqarpoq.
- Sinerissami naaralaartitsiviit umiarsualiviit avataanniittut, Imarsiornermut Aqutsisoqarfimmit pigineqarlutillu ingerlanneqartut, qanoq aserfallatsaalineqarnersut paasissutissiissutigineqassasoq ataatsimiititaliamit kissaatigineqarpoq.
- Umiarsulivinni naaralaartitsivinnik atuisut tusarniarneqaramik umiarsualivinni naaralaartitsiviit qaminngasut tamarmik ikeqqinnearnissaat kissaatigisimagaat qinnuteqaammut isummer-nissami tunngavissiami paasissutissiissutigineqartoq ataatsimiititaliamit maluginiarneqarpoq. Kiisalu Ilulissat umiarsualivianni naaralaartitsiviit qaminngasut salliutinneqarlutik piaarnerpaamik pilerseqqinneqarnissaat Imarsiornermik Aqutsisoqarfimmit erseqqissaatigineqartoq paasissutissiissutigineqarpoq. Pissutsit taakku marluk itisilerneqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangernera

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit akuerineqarput.

Ataatsimiititaliaq sinnerlugu



Hans Peter Poulsen

Ataatsimiititaliap siulittaasua